

SUD BiH Epilog opsežne policijske akcije kodnog naziva "Oskar"

# Potvrđena optužnica protiv dilera heroína

U akciji uhapšeni Ali Lokaj, Nijaz Muharemi, Agim Eljšani, Vidak Milić, Hakija Mehović, Nermin Planinčić i Vahidin Dobrača

Sud Bosne i Hercegovine potvrdio je optužnicu protiv Alija Lokaja, Nijaza Muharemi, Agima Eljšanija, Vidaka Milića, Hakije Mehovića, Nermina Planinčića i Vahidina Dobrače, koji se terete za organizirani kriminal i trgovinu drogom.

## Više pretresa

Optuženi su uhapšeni u akciji SIPA-e i OSA-e kodnog naziva "Oskar", kada je pretreseno više lokacija na području Sarajeva, Zvornika i Bihaća.

U pretresima su pronađeni 1.050 grama heroína i skoro 800 grama smjese za miksiranje droge, precizna digitalna vaga, pribor za miješanje i pakovanje narkotika, kao i drugi predmeti koji mogu poslužiti kao dokaz u daljnjem postupku.

Uhapšeni se sumnjiče da su, kao pripadnici organizirane kriminalne grupe, kontinuirano u periodu od juna do decembra 2014. godine vršili neovlašteni promet heroína i skanka sa područja Makedonije, Crne Gore i Kosova na područje



Privođenje jednog od osumnjičenih u prostorije SIPA-e

BiH i dalje radi pribavljanja protivpravne imovinske koristi.

## Produžen pritvor

Uvidom u podneseni dokazni materijal Sud je utvrdio da postoji osnovana sumnja da su osumnjičeni počinili krivično djelo za koje se terete pa je svim

osumnjicima odredio pritvor zbog postojanja osnovane bojazni da bi, ukoliko bi se našli na slobodi, mogli ometati krivični postupak utječući na svjedoke, saučesnike ili prikrivače te uništiti, sakriti, izmijeniti ili krivotvoriti dokaze i tragove važne za krivični postupak. U odnosu na osum-

njicene Alija Lokaja, Nijaza Muharemi i Agima Eljšanija, pritvor je određen i zbog postojanja okolnosti koje ukazuju na opasnost od bijega, a u odnosu na osumnjičene Alija Lokaja i Hakiju Mehovića, i zbog opasnosti da će ponoviti ili dovršiti krivično djelo.

A. ALŽIMI